

## „Nabie“

Siedam su draugās i veizam – kažkuoks vīrs atēn link mūsa. Atejis i saka:

– Vīra, a vietēnē esat? A visus če pažīstat?

– Musiet, ka tīkrā, – aš atsakau.

O uns i pradiēji monis klausīnieti:

– Grūša Mats a dā gīvs? A dā če tebgīven?

Aš tuoki nepažīstu i sakau:

– Senē nabie...

– O Blodīka Zuosi, a ana dā gīva?

Tuokiuos irgi nepažīstu, tad viel sakau:

– Senē anuos nabie.

Uns vis klausīnēji i klausīnēji, o aš vis „nabie“ i „nabie“. Tad uns paskiau i nueji, zūbus susokis.